

ցիս, զի արասցես զորդին իմ ի տեղի իմոյ վէզիր՝
այսու արամբ որ եկն ի դրան իմում և ի գործակա-
լութիւնս քոյ: Եւ հանեալ նորա՝ ի նոյն օր կոչեալ
զորդի նորա ի ներքս՝ տայ զկնիք վէզիրութեան նորա
եւ խիլայեալ զնա եպարքոսական պատուով դարձու-
ցանէ ի տուն: Եւ նա ելեալ յարքայէ՝ կոչեցեալն Ահ-
մէտ վէզիր որդի վէզիրի, արար զսուգ հօր իւրոյ, և
ի հասարակել աւուր ժամու աղօթից նոցա՝ գումարէին
մեծամեծք Տաճկաց և վուզարայից, պարոնաց և իշ-
խանաց և նախարարաց արքայի՝ ընդ արքային զնա-
մազն առնել նմա ի թագաւորական ճամին, որ կոչի
Սէլիմ Սուլթան: Եւ ի վճարմանն որ մօտ պահու յետ-
նուց՝ Շաթըրպաշի Սուլէյման աղա ոմն որ հաւատա-
րիմ էր նմա, ելեալ ի ձի ժԸ արամբ և եղեալ զդին
թապուտով ի կառս և քառեակ ձիօք փութացուցա-
նէին Բ աւուրբ և Բ գիշերբ հասեալ յետին ժամու
նոցա աստ՝ մուծանելով ի քաղաքս, զնելով զնա առ
թուրպէ գերեզմանատուն նորին, զոր ամ մի բոլոր
շինեալ կատարէին զգործն որ վճարէին յաւուրս յայ-
սոսիկ. եւ մինչչեւ մտեալ դին ի քաղաքս՝ ոչ իմացան
զիրսն զայս, որ էր մահ նորա խաղաղութեամբ: Սա
զբազում անմեղաց արիւն արբ, թէպէտեւ զապըս-
տամբս արքայի նուաճեաց թէ՛ ի ներքոյ և արտաքոյ,
բայց զամենայն վասն իւր արար՝ թէ ապրեսցի: Զբա-
զում¹⁾ դրունս մեծամեծաց փականաց և զբազում մարս
հեծեծանօք ի հող իջոյց, թէպէտեւ ի քրիստոնէից զօք
ոչ սպան. զբազումս անդրամ եւ առանց հացի եւ
ռոճկի ի դուրս հանէր թէ՛ յօճախէ ապարանիցն և թէ
յեէնկիւհարեացն, առաւել եւ ի սպահոցն. թէպէտեւ
արմատք զօրպայիցն հատան յԱնատոլոյ, քրիսայ
թէֆթիշին խափանեցան, մուսէվէտէն անյայտ եղեւ,

1) զբազումս.